

Zeitschrift: Schweizerische Chorzeitung = Revue suisse des chorales = Rivista svizzera delle corali = Revista dals chors svizzers

Herausgeber: Schweizerische Chorvereinigung

Band: 8 (1985)

Heft: 2

Artikel: Ils collaboraturs dalla LR ed ils chors romontschs

Autor: [s.n.]

DOI: <https://doi.org/10.5169/seals-1043995>

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

Download PDF: 10.02.2026

ETH-Bibliothek Zürich, E-Periodica, <https://www.e-periodica.ch>

Ils collaboraturs dalla LR ed ils chors romontschs

La redacziun dalla Revista ha supplicau ils collaboraturs dalla Ligia Romontscha da far paleis co els giudicheschien la muntada dil cant sco part dalla promoziun da nies lungatg. En principi han els giu tutta libertad da tractar quei tema, era sche las sequentas damondas ein vegnidas presentadas ad els sco punct da partenza.

- Tgei muntada insumma attribuis Vus als chors enteifer l'activitad romontscha?
- Veseis Vus era ina certa tgira dil cant romontsch sco part da Vossa missiun?
- Tgei pusseivladads da prender influenza sil cant romontsch (ni sin ses purtaders) veseis Vus?
- Veseis Vus eventualas mesiras urgentas?
- Veseis Vus problems specials en Vossa regiun?

Legreivlamein han treis collaboraturs dau suatientscha agl invit dalla redacziun. Lur expectoraziuns secloman sco suonda.

(red.)

Ils cors in Engiadina e Val Müstair

Per furtüna nu s'ha verifichada la previsun cha'ls mediums da massa (radio e televisiun) stendscharan plan a plan ils cors aint ils cumüns. I's po nempe constatar cun satisfacziun, cha bod mincha cumün dal territori ladin ha almain ün cor. Il chant in famiglia — la fundamainta dal chant cumünaivel — va però malavita as perdond; e'l chant illas classas otas da la scoula populara es suotdotà. Ils cors sun üna part essenziala da la cumünanza, e'l cor rumantsch es implü üna cumponenta indispensabla da la cultura rumantscha, quist natüralmaing be pro quels cors chi cultivan consciaintamaing la chanzun populara indigneia. Las chanzuns chantadas dals cors ston subir üna derasaziun aint il pövel. Quai premetta ch'ellas vegnan repetidas suvent, malgrà la cuntschainta critica publica: i chantan adüna il glistess! Il occasiun da festas da chant vegnan adüna darcheu tschernüdas chanzus d'ün nivel massa ot pels cors; quist our da motivs da prestige dal cor e dal dirigent. Ün elemaint essenzial da la chanzun ladina d'eira l'increschantüm da l'emigrant. Quist sto gnir rimplazzà aint illa nouva chanzun populara dals oters elemaints fundamentals, per ch'ella resta actuala. Il collavuratur regional po il plü da tuot intimar als cors da chantar in prüma lingia rumantsch. Causa cha'ls cors stan pel solit mal da fianzas as laschna persvader — surtuot in lös da turissem — da chantar p. ex. per radunanzas da delegats da qualunque società d'utrò. Quist fat rinserra in sai ün privel da folclorisaziun. Our da quista chaschun stuvesan ils cumüns sustgnair ils cors in möd plü adequat co fin uossa. Las sairadas da concert dals cors i'ls cumüns nun han gronda affluenza. Concerts cumünaivels da cors da plüs cumüns han daplü success. Suot l'insaina da barat cultural fuossa indichà scha cors da las differenentas regiuns intretschessan contacts da partenari. A l'ultima festa da chant districtuala ad Ardez (17 gün 1984) sun gnüdas chantadas (arsalv 2 chanzuns latinas) be chanzuns rumantschas e quai per buna part memorisadas. Schi stess uschè bain cu'l rumantsch sco ch'üna festa da chant fa l'apparentscha, lura nu's vessa da far pisser per nossa survivanza.

Jacques Guidon